

Iparaldeko LABek Maiatzaren Lehenean egingen du bere lehen agerraldi publikoa

Sindikatu nagusiek manifestaldi bateratua egingen dute Baiona eta Maulen

Hur Gorostiaga / Baiona

Langile Abertzaleen Batzordearen (LAB) Iparaldeko adarrak Maiatzaren Lehenean egingen du lehen agerpen publikoa, Baionan. Euskal Herriko lehen sindikatu nazionalak bertze sindikatuekin batera egingen den manifestaldirako deia egin du.

«EUSKAL HERRIARENTZAT etorkizun hobea nahi dugu. Horretarako tresnak behar ditugu, gure eguneroko bizi-baldintzen hobetzeko, babes-teko eta langile gisa gure buruaren defendatzeko. Horregatik dugu LAB sortzen Ipar Euskal Herrian», dioten agiriaren bidez, heldu den Maiatzaren Lehenean Baionako Lan Boltsatik bertze sindikatuekin batera goizeko 10:00etan egingen den manifestaldirako deia egin du LABek. Azken urteotan hainbat eztabaida eta bilkura egin ondotik, sindikatuak Euskal Herri osoaren ikuspegia bereganatu eta lehen sindikatu nazionala bilakatu da. «Ipar Euskal Herriko sindikatuen arloan eskaintza berri eta aberasgarria izanzen gara, eta gure nortasuna ezagutaraziko dugu lantokietan, langile eta abertzale gisa», adierazi du sindikatuak. «Ibilbide luzea abiatu dugu, eta langile abertzale, euskaltzale eta Iparaldeko biztanle orori dei egingen diogu gurekin bat egin dezan.



BOB EDME

Baionan orain bi urte Maiatzaren Lehenean egindako manifestaldi bateratua.

Sindikatuak elkarrekin

Baionan egingen den manifestaldian, LABez gain, CFDT, CGT, FSU eta UNSA deitu dute. Lelo nagusiak, enplegua, soldatatak, 35 orduak eta lan-baldintzak izanzen dira. Gisa berean, gai berezi bat gehituko diete aldarrikapenei, emakumezkoen lan-baldintzei buruzkoa.

Maulen, urtero bezala, CGT eta ELBK deiturik 11:00 orenetan egingen da manifestaldia —aurten zerbitzугunetik abiatuko da—. CGT sindikatuak Zuberoan Hobeki bizi

lelopean egin du deia, azken asteetan Zuberoako Tauzin, Tissage du Saison, Serrano eta Gema enpresetan izan arazoak bereziki azpimarraturik. ELBK laborarien aldarrikapenak aitzinaraziko ditu.

Nafarroan, Tafalla eta Iruñean

Nafarroan UGTk, CCOOK eta CGTk ospatuko dute Maiatzaren Lehena. UGTk Tafalla aukeratu du. Manifestaziorik ez du egingen, baina hainbat ekitaldi antolatu ditu.

12:00etan, Luis Valero UPN-ko alkatearekin egon ondoren, Isabel Moreno UGTko Tafallako delegatuak eta Juan Antonio Cabrero idazkari nagusiak hitz egingen dute. 14:00etan bazkaria izanen dute kiroldegian.

CCOOK eta CGTk Iruñean egingen dute ekitaldi sindikala. Lehenengoak Autobus geltokitik 12:00etan aterako den manifestaziora deitu du, eta 14:30ean bazkaria egingen du Amaia kiroldegian. Bigarrenak, berriz, 12:00etan elkarretaratzea deitu du San Lorenzon.



XOUSE SIMAL

Beyena itx dezaten eragozteko mobilizazioek jarraitzen dute.

BEYENA enpresa itxeko eta bere 80 langileak kanporatzeko espediente Lan Sailean aurkeztuko du Iparlataldeko zuzendaritzak. Enpresa eta langileak ez dira ados jarri kontsulta epearen barruan (atzo amaitu zen), eta beharginak prest azaldu dira Beyena itxtearen aurkako mobilizazioak eragozteko, gose greba baztertu gabe. Une hauetan greba mugagabea dira, eta atzo lantegiko teilatura igo eta gero itxialdian hasi ziren enpresan bertan.

Artzantzaren egoerari aurre egiteko «planteamendu serioak» eskatu ditu Gipuzkoako EHNEk

■ Aralarrena, nekazaritzako aurrekontutik %0,75 soilik bideratzen dela salatu dute

Ekaitz Agirre / Ordizia

ORDIZIAN atzo ospatu zen Artzain Eguna, eta Aralar-ko artzainek hori aprobetxatu zuten pairatzen dituzten lan eta bizi-baldintza kaskarren berri emateko. Era berean, instituzioei «planteamendu serioak» egin ditzaten eskatu zien EHNEk. Marta Agirrezabalak Gipuzkoako EHNEko idazkari nagusiak jakinarazi zuenez, azken urtean Enrrio Aralar mankomunitateak eta Foru Aldundiak «borondate aldaketa» azaldu badute ere, «Aralarko artzainen laneko baldintzak oso motel ari dira aurrera egiten». Diru laguntzak azken urteetan zertxobait igo badira ere, «oso eskasak» direla esan du Marta Agirrezabalak, «Nekazaritza Saileko aurrekontutik %0,75 soilik».

Era berean, sektore inplikatuaren artean —bertatik bizi direnekin bereziki— egoerari aurre egiteko eztabaidak martxan jartze-ko beharra ere nabarmendu zuen, «txaboletara iristeko gehienok biderik ez dugulako eta mandoz ibili behar izaten dugulako».

Osatec enpresa publikoko langileak greba mugagabea hasiko dira

Erredakzioa / Bilbo

OSATEC enpresa publikoko langileak greba mugagabea hasiko dira datorren maiatzaren 8an, hitzarmen kolektiboaren negoziazioa behartzeko, ELAtik jakinarazi dutenez. Enpresa honek Osakidetzarako erresonantzia magnetikoak egiten ditu.

Hilaren 4, 6 eta 17an lanuzteak egin ostean, Osateceko langileen ordezkariak eta Osakidetza-ko zuzendariak ez dira ados jarri lan hitzarmena negoziatzeko. KPIren gaineko soldata igoera eskatzen dute eros-ahalmena hobetzeko, osasun zerbitzuetan indarrean dauden bestelako osagarriei gain.